

TANMMALT N UMIRU ANAMUR XF UCAWR N KATALUNYA

afraq anamur d tirat n tndaqt tasimant n katalunya yurs izuran izaykutn g umzruy, ssutrn-t ikatalann kigan n tikkal. Ass-a, tdfir sul Katalunya i wawnk n Sbanya lli igan tamurt tagtamttit xf mnawt tmental, zund tin umzruy d tultalyt d tdlsa. maca, ur tssn tndaqt n Sbanya s ayad.

tmla Katalunya i umaçal mnawt tikkal tirat fad ad tyts imal-nns asrtan; ass-a, iga aya yan usitm axatar n tugt n ugdud n Katalunya.

tga tytast n imal asrtan yan zg izrfan n tmura tidimuqraṭinin. azrf-a ad usin ikatalann fad ad skrn acawr-nnsn.

tmla tugt n ikatalann d tkatalanin is ran ad sawln fad ad skrn acawr; imsaasa ayad d tmskr taghrmant d tngrayt d tadimuqraṭit lli mlan imussutn mqurnin n igdudn fad ad ssitmn azrf n tytast n imal n Katalunya.

mk nnan imuzayn n uzrf adstar, islgnn n tndaqt n Sbanya ufan ad adjn Katalunya ad tskr acawr-nns s umsasa d uwank. ayd ur jju ittuskar acku ur t-rint tndaqt n Sbanya. izdar uzrf-a ad ghurs ilin kigan n ifasrn, aynna ixṣṣa ad ig yan imis fad ad naf ifssayn idimuqraṭin i tmukrisin tirsrtanin, ur d ad nsnful timukras yaḡnin ny ad nkrs ugar tilli llanin.

rmsn middn d tmrsal d tmsmunin nni isgmḡn tanmmalt n ucawr zund yan imis anbyur n ussdru adimuqraṭi, lli ittawin s ubrid n umdiwal asrtan amagut d urzru xf imsasatn d tmyaqqaṇin dusnin.

aynna nra:

- g tndaqt n Katalunya d tin uwank n Sbanya ad zrint iliytn isrtann d ibḡitn ur ḡqqaqṇin, skrn amsasa lli isrusn tifadiwin d tnfutin tizrfanin timsuyin fad ad yili ucawr lli rad isissn umun amaḡlan. ixṣṣa ad tmsasa tyafut n ucawr-ad d iwttas n isrtal n Katalunya.

- iga ubrlaman n Katalunya tamrslt tadimuqraṭit llig ittini umadan n Katalunya tirat-nns. ayad, ar ntnal tisttayin d imsasatn lli d-itffyn xf uskkir n ucawr-ad.
- nssn acawr is iga yan imis anjmu llig zḡarṇ ikatalann d tkatlanin, mkna gan imnid-nnsn, ad kfn tannayt xf umyassa ngr Katalunya d uwank n Sbanya.
- tra tdlsa tadimuqraṭit isfrutn isrtan i tmukrisin tirsrtanin, g umnid-ad, ar nqqar i tyarast tasilant lli illan yur imunn itrarn, iga-tt : tussna d usyzn n tirat n tugt n wamun akatalan lli rad d-yagg s ubrid n istayn.
- iqqaṇ-d ad iyr ucawr ad i middn akk^u ad gis drun. aynna, ixṣṣa ad yili yan umḡakar adimuqraṭi amagut imsasatn d imnidn izrfann lli llanin ass-a g Katalunya.